

## А ц а з ö ö л г ъ н д

Сул цагин эргид төмр хаал-  
гъин Дивн станцд республикин  
предприятъсин болн организа-  
цсин хайгар ирсн тосхлтин  
материал ирлгън икдэд, зöбв-  
рин кöдлмшт таслвр гарад  
бäясмн.

Тегäd тосхлтин материал  
зöблгъиг чанъгъахин тöла  
КПСС-н танъгъчин комитетин  
даалгъврар Дивн станцур  
КПСС-н танъгъчин болн бал-  
гъсна комитетсин, дакад Халь-  
мг АССР-н милицин Управе-  
нä кöдлächр йовулгдла. Эн кöд-

лächр Элст орад, хärү хоосар  
йовджах машид олзлад, тосх-  
лтин кесг материалс, эд-тавр  
болн хот-хол ачулдж йовулад  
зöбврин кöдлмшиг темдгтägъ-  
är түргдүль. Öдр болгън аца-  
та 50-60 автомашид йовулг-  
джав. 5 хонгин дунд тосхлтин  
олн зүсн—материалин ацата  
292 автомашин Элст балгъснур,  
республикин колхозмудар бо-  
лн совхозмудар йовулгдв. Эн  
кöдлмшт сән үлгүр Н. В. Ни-  
кеев болн Б. Н. Болдырев үзү-  
лцхäv.

Д. СЮКИЕВ.